



Broj: 02/3-50-8-24-16,3/21
Sarajevo, 11. 1. 2021.

Prilog 2.10. Zbirnog mišljenja

**PREDSJEDAVAJUĆEM DOMA NARODA
PARLAMENTARNE SKUPŠTINE BiH**

Na osnovu člana 27. i člana 41. stav (1) tačka j) Poslovnika Doma naroda Parlamentarne skupštine Bosne i Hercegovine ("Sl. glasnik BiH", br. 58/14, 88/15, 96/15 i 53/16), Komisija za finansije i budžet Doma naroda Parlamentarne skupštine Bosne i Hercegovine podnosi Domu naroda Parlamentarne skupštine Bosne i Hercegovine

MIŠLJENJE

o Godišnjem revizorskom izvještaju o glavnim nalazima i preporukama za 2019. godinu

Ured za reviziju institucija BiH je 29. 9. 2020. dostavila Parlamentarnoj skupštini BiH Godišnji revizorski izvještaj o glavnim nalazima i preporukama za 2019. godinu.

U Godišnjem izvještaju konstatirano je da je Ured za reviziju za 2019. godinu institucijama BiH **dao 483 preporuke**, a za 2018. godinu 489 preporuka. Stepenn realizacije preporuka pokazuje da je oko 58% preporuka za 2018. godinu realizirano ili je njihova realizacija u toku, a da 34% preporuka nije realizirano. Za 8% preporuka nije se mogla dati ocjena jer nije bilo aktivnosti koje su bile predmet datih preporuka.

Od revidiranih 75 institucija BiH za 2019. godinu, Ured za reviziju je dao:

- za 21 instituciju - čisto „pozitivno mišljenje“;
- za 44 institucije – „pozitivno mišljenje sa skretanjem pažnje“;
- za 21 instituciju – „mišljenje s rezervom“;
- za 7 institucija - „mišljenje s rezervom sa skretanjem pažnje“;
- za 1 instituciju - OSA (Obavještajno-sigurnosna agencija), Ured za reviziju se suzdržao od davanja mišljenja.

Ukupno izvršenje budžeta za 2019. godinu u revidiranim institucijama BiH iznosilo je 861.028.800 KM.

Izvršenje budžeta institucija BiH koje su dobile čisto „pozitivno mišljenje“ i „pozitivno mišljenje sa skretanjem pažnje“ iznosi 458.180.908 KM ili 53%.

Izvršenje budžeta institucija BiH koje su dobile „mišljenje s rezervom“ i „mišljenje s rezervom sa skretanjem pažnje“ iznosi 370.248.899 KM ili 43%.

Ukupno izvršenje budžeta institucije BiH kod koje se Ured za reviziju suzdržao od davanja mišljenja (Obavještajno-sigurnosna agencija) iznosi 32.598.993 KM ili 4%.

U poglavlju 5. - Glavni nalazi i preporuke finansijske revizije navodi se 19 glavnih nalaza i preporuka sistemskog karaktera, koje je Komisija za finansije i budžet Doma naroda prihvatila u istoj formi kako ih je naveo Ured, te ih Komisija u ovom izvještaju također navodi u izvornoj verziji, kako slijedi:

1. Nepostupanje po odlukama Ustavnog suda BiH,
2. Neblagovremeno usvajanje Budžeta institucija BiH,
3. Proces zapošljavanja u institucijama BiH,
4. Proces javnih nabavki u institucijama BiH,
5. Prevencija i borba protiv korupcije,
6. Interne finansijske kontrole u javnom sektoru,
7. Višegodišnja kapitalna ulaganja,
8. Isplate po sudskim sporovima,
9. Status državne imovine,
10. Proces planiranja, praćenja, evidencije i naplate vlastitih prihoda,
11. Istekli mandati rukovodilaca u institucijama BiH,
12. Reguliranje pitanja plaća i naknada u institucijama BiH,
13. Smještaj institucija BiH,
14. Postupanje Vijeća ministara BiH i Ministarstva finansija i trezora BiH po zahtjevima institucija BiH,
15. Reforma javne uprave,
16. Finansiranje povratka izbjeglica i raseljenih lica,
17. Plaćanje naknade za neangažiranje kreditnih sredstava,
18. Donošenje Zakona o vanjskim poslovima BiH,
19. Unapređenje informacionog sistema.

Komisija za finansije i budžet Doma naroda Parlamentarne skupštine BiH je na 16. sjednici, održanoj 11. 1. 2021, razmatrala Godišnji revizorski izvještaj o glavnim nalazima i preporukama za 2019. godinu, te je sa četiri glasa „za“ i jednim glasom „protiv“

- 1) usvojila Godišnji revizorski izvještaj o glavnim nalazima i preporukama za 2019. godinu i uputila ga u daljnju parlamentarnu proceduru.

Komisija je, sa četiri glasa „za“ i jednim glasom „protiv“, usvojila sljedeće zaključke i predlaže Domu njihovo usvajanje:

1. Dom naroda Parlamentarne skupštine BiH traži od Vijeća ministara BiH i Ministarstva finansija i trezora BiH da pažljivo razmotre glavne nalaze i preporuke sistemskog karaktera, koji su navedeni u Godišnjem revizorskom izvještaju o glavnim nalazima i preporukama za 2019. godinu, te da do 30. 6. 2021. sačine program mjera za njihovo otklanjanje.
2. Dom naroda Parlamentarne skupštine BiH traži od Ministarstva finansija i trezora BiH da s programom mjera za otklanjanje uočenih nedostataka upozna Komisiju za finansije i budžet Doma naroda Parlamentarne skupštine BiH i Ured za reviziju institucija BiH najkasnije do 31. 7. 2021.

Na osnovu člana 113. Poslovnika Doma naroda Parlamentarne skupštine BiH, za izvjestioca je imenovana Dušanka Majkić, predsjedavajuća Komisije



Predsjedavajuća
Komisije za finansije i budžet
Dušanka Majkić